

El grosse Pauline est fêlée.

Du m'in sùs rindu compte tout d'suite!

El diminsse dè Pâques, su l'coûp d'dix heûres, d'ai l'habitude d'ascoutér les cloques qui soun'té à r'laye dè bidet pou prév'ni qu'elles sont r'vènués d'Rome.

Quand, dins l'moncha d'ding-dong, d'ai intindu « dzrrring », du m'sùs dit: Ca y est: ça, ç'est yeune qui a ça à ses bertelles!

El vicaire l'avoût compris ètou: Il est ran'mint monté dins l'cloquî pou arrêter l'massacre èyè d'mandér à Pauline qui pindoût tout' pènaude:

-Eyè adon fille, qu'est-ce què vos z'avèz fait pou yesse dins in ètat pareil?

-In accidint avû in n'hollandaise au d'seûr dè Durbuy. Es' place-la est foûrt dangereuse pasquè ç'est là què les z'hollandaises èyè les allemandes s'ermet'té dins l'convoi pou Rome. Comme les hollandaises, ç'est des chucheuses dè roues, elles vo suit'té pîds à talons èyè au moindre ralentis'mint, berdanf, ç'est l'accrochâdje.

Heureus'mint, d'astouûs à vûde, donc I n'a nî yeu trop d'dégats èyè comme à part el voix, el reste dalloût, d'ai seu achèver l'route èyè fai l'transport.

Mossieur l'curé a v'nu m'vire t'à l'heûre èyè I m'a dit: " Ma pauvre Pauline, je ne sais pas couler un bronze mais ma quête d'ajourd'hui sera pour arranger votre derrière."



Despûs, du sais què les grossès cloques du canton ont yeu ène rèyunion.

Il avoût Pauline du Rû (el victime), Lèyontine d'Aimeries, Gudule dè Sougnies, Torinne du Marouset, Appoline d'Horrués, Angèle dè Scaubecq, bref les pu z'anciennes espécialisses du Rome allér-r'tour.

El but dè l'affère astoût d'trouvèr des idées pou amèliorèr èyè sécurisèr el trafic infernal qu'il a su Rome el sèmène dè Pâques.

Du va régulièr'mint prind' des nouvelles dè Pauline. Em'tèz vo coeur à vo n'aise: elle s'ermet tout douç'mint. El quète dè Mossieur l'curé li fait l'pu grand bîn èyè s'find' s'estoupe.

D'ai profité d'yeune dè mes visites pou li d'mandér ç'qu'il avoût devûdî dè lun rèyunion èyè v'là in vrac les idées qui ont s'tès mises su l'tâb'.

-Alargui les couloirs aèriens réservés pou les cloques: a partir dè Durbuy, elles pourrint'té volér à douze dè front.

-Invouyî les bourdons à l'place des mères-cloques. I sont pu p'tits (Il in faudroût d'pusse), pu djo-nes èyè I vol'té pu rète. Seûl'mint, ç'est comme les kiwanis: I risqu'té dè traîné aussi bîn in dallant qu'in r'vènant.

-Fai des assurances « cloques-assistance ».

-Carrémint supprimér l'tradition.

-Obligâtion pou les cloques « grosses porteuses » dè s'arrêter dix minutes toutes les deux heûres. (Avû in disque dè contrôle)

-Sous-traitér l'affère avû les montgolfières du Rû mais là, I faudra rattind' què l'vint fuche bîn mis.

-D'mandér au Kiwanis dè s'in d'occupér. Yeusses, on est certain què ç'est des spécialisses pou l'livraison des chocolats. (Eyè, I z'ont l'habitude dè yesse min-nés pa n'cloque.)

D'accoûrd, on a co in an pou fai avancî l'djeu mais si vos avèz in idée, vo povèz l'invouyî au grand sounneux à l'adresse suivante:

SIMON CUSSONNET

Place dè l'èglise

Taroû-leûr dè Braine.

A r'voir les cousses. A l'prochaine.

Françwès.

À r'laye dè bidet = àbride abattue/chuchî = sucer/pîds à talons = sur les talons/à vûde = vide (pour un engin de transport)/estoupér = boucher, combler/dèvûdî = ressortir/rète ou râte = vite.